

KA KOT TIKIR

KI JINGKYLLI KIBA NYNGKONG

NA KA

JINGIATHUHKHANA BA BHA

IA KI KHYNNAH

BA LA SHIM NA KA KTIEN U BLEI

15th Edition

1978


La pynmih da

Ka Khasi Jaintia Presbyterian Synod,

K. J. P. Synod Church House,

Mawkhar, Shillong.

REFERENCE
NOT TO BE LENT OUT



Library books will give you joy & interest,
if handled carefully with clean hands.

REFERENCE

Not to be Lent out

KA KOT TIKIR


KI JINGKYLLI KIBA NYNGKONG

NA KA

JINCIATHUHKHANA BA BHA

IA KI KHYNNAH

BA LA SHIM NA KA KTIEN U BLEI



La pyantik da

Ka Khosi Jashila Presbyterian Synod,

K. J. P. Synod Church House,

K. J. P.

Mawkhair, Shillong.

**Library books will give you Joy for long -
if handled carefully with clean hands.**

KA JINGPHLA KA JINGNGEIT KI APOSTOL

(Apostles' Creed)

Nga ngeit ha U Blei U Kpa Badonbor baroh, U Nongthaw ia ka bneng bad ka khyndew ;

Bad ha U Jisu Khrist U Khunmarwei jong U, U Trai jong ngi, ia Uba la pynpun da U Mynsiem Bakhuid, ba la kha na ka Mari Theisotti, Uba la shah shitom ha u Pontios Pilat, la sahnarphna ia U, U la iap bad la tep ia U ; U la leit hiar sha ki riawiap ; U la mih pat na kiba iap ha ka sngi kaba lai, U la kiew sha bneng, bad U shong ha ka kti kamon U Blei U Kpa Badonbor baroh ; nangta Un wan ban bishar ia kiba im bad kiba iap.

Nga ngeit ha U Mynsiem Bakhuid, ka Balang Khuid shityllup ka pyrthei ; ka Jingiasyllok ki Riewkhuid, ka Jingmap ia ki pop ; ka Jingmihpat jong ka met, bad ka Jingim bymjukut.

AMEN.

KI JINGKYLLI KIBA NYNGKONG
NA KA
JINGIATHUHKHANA BA BHA.

LYNNONG 1.

Shaphang U Blei.

1. *U Blei U long aiu ?*
 U Blei U long U Mynsiem.
2. *Ym don shuh nador Uwei U Blei ?*
 Em : ym don shuh hynrei tang Uwei U Blei.
3. *Don katno ngut ha U Blei ?*
 Lai ngut : U Kpa bad U Khun bad U Mynsiem Bakhuid.
4. *U Kpa U lang U Blei ?*
 Hooïd : U Kpa U long U Blei.
5. *U Khun U long U Blei ?*
 Hooïd : U Khun U long U Blei.
6. *U Mynsiem Bakhuid U long U Blei ?*
 Hooïd : U Mynsiem Bakhuid U long U Blei.
7. *Hato don lai Blei ?*
 Em : hynrei lai ngut ha Uwei U Blei.
8. *Kumno phi tip ba don lai ngut ha U Blei ?*
 Namar la hukum ban "pynbaptis ha ka kyrteng ka jong U Kpa, bad ka jong U Khun, bad ka jong U Mynsiem Bakhuid."
 Math. 28 : 19.
9. *Phi lah ban pyni ba ym don shuh nador Uwei U Blei ?*
 Hooïd : "Ym don U Blei hynrei tang Uwei." 1 Kor. 8 : 4.

10. *Hangno U Blei ?*

U Blei U ha bneng : "U Kpa jong ngi Uba ha bneng." Math. 6 : 9.

11. *Balei ngim lah ban iohi ia U Blei ?*

Namar ba U long U Mynsiem : "Ym don briew uba la iohi ia U lane ba lah ban iohi ia U." I Tim. 6 : 16.

12. *U lah ban iohi ia ngi ?*

Hooïd : "Ma Me, Ah Blei, Me iohi ia nga." Gen. 16 : 13.

13. *U Blei U long Uba khraw ?*

Hooïd : "U Trai U long U Syiem ba khraw halor ka khyndew baroh." Salm 47 : 2.

 LYNNONG 2.
*Shaphang ki Jingiadei ki jong U Blei.*1. *U Blei Uba naduh haduh ?*

Hooïd : "Naduh bymjukut haduh bynju-kut Me Me long U Blei." Salm 90 : 2.

2. *U Blei U la sdang ban long ?*

Em : "Uba ha shuwa ia kiei kiei baroh."

3. *U Blei U bym ju kylla ?*

Hooïd : "Ha U ym don ka jingkylla shuh lymne ka syrngiew kaba shad da ka jingkylla." Jakob 1 : 17.

4. *U Blei U lah ia kiei kiei baroh ?*

Hooïd : "Háphang U Blei kiei kiei baroh kiba lah"

5. *U Blei U tip ia kiei kiei baroh ?*

Hooïd : "Ah Trai, Me tip ia kiei kiei baroh." Ioan. 21 : 17.

6. *U tip ia ka jingmut jòng ngi ?*
Hooïd : "Ah Trai, Me sngewthuh ia ka jingmut jong nga na jngai." Salm 139 : 2.
 7. *U Blei U don ha bneng bad ha ka khyndew ?*
Hooïd : kylleng ruh U don : "Nga Ngam dap ia ka bneng, bad ia ka khyndew, ong U Trai." Jer. 23 : 24.
 8. *U Blei Uba stad ?*
Hooïd : "U Blei Uba stad, tang ma U hi." Rom 16 : 27.
 9. *U Blei Uba hok ?*
Hooïd : "U Trai Uba hok ha la ki lynti baroh." Salm 145 : 17.
 10. *U Blei U Bakhuid ?*
Hooïd : "U Bakhuid, U Bakhuid, U Bakhuid, U Trai ki paid." Isa. 6 : 3.
 11. *U Blei Uba shisha ?*
Hooïd : "Ka jingshisha U Trai ka neh junom." Salm 117 : 2.
 12. *U Blei Un pyndap baroh ia kaba la ong ?*
Hooïd : "Ka long ka bymlah ia U Blei ban lamler." Heb. 6 : 18.
 13. *U Blei Uba bha ?*
Hooïd : "U Trai Uba bha ia baroh." Salm 145 : 9.
 14. *U Blei Uba isynei ?*
Hooïd : "Ka jingisynei jong U ka bym ju duh." Salm 136.
 15. *U Blei Uba aiei ?*
Hooïd : "U Trai U dap da ka jingisynei bad Uba aiei." Salm 103 : 8.
-

LYNNONG 3.

Shaphang kaba Pynlong ia ka Pyrthei.

1. *Uei ba la thaw ia ka pyrthei ?*

U Blei : "Ha kaba mynnynghkong U Blei U la thaw ia ka bneng bad ia ka khyn-dew." Gen. 1 : 1.

2. *Uei U ba la thaw ia kiei kiei baroh ?*

U Blei : "U Trai U la thaw khnang ia kiei kiei baroh na ka bynta ia lade." Prob. 16 : 4.

3. *Daei U Blei U la thaw ia baroh katba don ?*

U Blei U la thaw ia baroh daei daei ruh em.

4. *Ka la long kaba eh ia U Blei ban thaw ia ka pyrthei kumta ?*

Em : "Naba U la kren te ka la long : U la hukum, te ka la neh skhem." Salm 33 : 9.

5. *Hato kumno U la pynlong ia kiei kiei baroh ?*

Da la ka ktien : "Da ka jingngeit ngi sngowthuh ba la thaw ia ki pyrthei da ka Ktien U Blei." Heb. 11 : 3.

6. *Katno sngi ba U Blei U la thaw ia baroh katba don ?*

U la thaw hynriew sngi ia kiei kiei baroh.

7. *Ha ka sngi kaba hynñiew U la leh aiu ?*

"U la shongsngi ha kata ka sngi kaba hynñiew." Eksod. 20 : 11.

8. *Ia ka ban lei ba U Blei U la thaw ia kiei kiei baroh ?*

U Blei U la thaw ia kiei kiei baroh ban pynpaw ia la ka burom.

9. *Uei ba la thaw ia phi ?*

U Blei U la thaw ia ngi.

10. *Ia ka ban lei ba thaw ia phi ?*

La thaw ia ngi ban shakri ia U Blei, ban
sngewbha ha U ha la ka rta.

LYNNONG 4.

Shaphang u Briew mynba um pat hap ha ka Pop.

1. *Uei u briew uba nyngkong ?*

U Adam u long u briew uba nyngkong.

2. *Katno bynta ki don ha u briew ?*

Don ar bynta ha u briew : ka mynsiem
bad ka met.

3. *Daei U Blei U la thaw ia ka met u briew ?*

Da ka khyndew la thaw ia ka met u
briew.

4. *Kumno U Blei U la thaw ia ka mynsiem
u briew ?*

“U Trai U la pyrsad ha ki thliew khmut
jong u ia ka jingpyrsad ka jingim ; bad
uta u briew u la long ka mynsiem ba
im.” Gen. 2 : 7.

5. *Kaei ka briew kaba nyngkong ?*

Ka Im ka long ka briew kaba nyngkong.

6. *Na kaei ba U Blei U la thaw ia ka Im ?*

Na ka shyieng krung u Adam la thaw ia
ka Im.

7. *Ynda U Blei U la pynlong ia u Adam bad
ka Im U la buh hangno ?*

Ha ka kper Eden.

8. *Kaei ka kam jong ki hangta ?*

Ban rep, bad ban sumar ruh ia ka kper.

9. *Ha kaba kumno U Blei U la pynlong ia u Adam bad ia ka Im ?*
 U la pynlong ia ki ha ka dur U Blei.
10. *Kaei ka dur U Blei ?*
 Ka dur U Blei ka long ka hok bad ka jingkhuid bad ka jingshisha. Eph. 6 : 24.
11. *Baroh arngut ki la long kiba khuid ?*
 Hooi : ki la khuid janai khlem pop.
12. *Ki long ha kaba suk ruh de ?*
 Hooi : ki la long ha kaba suk janai khlem pop, khlem pang ruh.
13. *Kumno ngi dei ia u Adam bad ia ka Im ?*
 Ngi long ki khun ki ksiew jong u Adam bad ka Im.
-

LYNNONG 5.

Shaphang kaba hap U Briew.

1. *U briew u la neh slem ha ka burom ?*
 Em : "U briew um neh ha ka burom."
 Salm 49 : 12.
2. *Kumno u briew u la hap ?*
 U briew u la hap na kaba u la ryngkang ia ka hukum U Blei.
3. *U Blei U la ai ka hukum ai u ia u Adam bad ia ka Im ?*
 U la hukum ban ym bam ia u soh u dieng ka jingtip ia kaba bha bad ia kaba sniew.
4. *U briew u la donkam ia u soh u dieng adong ?*
 Em : naba U Blei U la ai ki soh na kiwei kiwei ki dieng baroh ba un bam.

5. *U Blei U la adong ia ata u soh na ka balei ia u briew ?*

U la adong khnang ban tynjuh ia ka jing-kohnguh jong u.

6. *U Adam bad ka Im ki la bam na u dieng adong ?*

Hooïd : ki la bam na u dieng adong.

7. *Uei ba la pynshoi ia u briew ban bam na u dieng adong ?*

Ka Im ka la pynshoi ia u briew.

8. *Uei ba la pynshoi ia ka Im ?*

U bseïñ u la pynshoi ia ka Im.

9. *U Blei U la beh noh ia u Adam bad ka Im na ka kper ?*

Hooïd : U la beh, namar kim kohnguh ia U.

10. *Kumno ruh de la pynshitom ia ki ?*

La buh ia ki ban iap.

11. *U Blei U la ong lypa ia kata, mynshuwa ba ki la hap ?*

Hooïd : U la ong, "Naba ha kata ka sngi ba men bam na u, da kaba iap men iap shisha." Gen. 2 : 17.

LYNNONG 6.

Shaphang ka Pop.

1. *Ka pop ka long aiu ?*

Ka pop ka long kaba pynkheïñ ia ka hukum U Blei.

2. *Don katno jait ki pop ?*

Ki don ar jait ki pop.

3. *Kiei kito ?*

Ka pop tynraï bad ka pop kam hi.

4. *Ka pop tynrai kaei ?*

Kaba ngi long pop na kaba kha ka long ka pop tynrai.

5. *Ka pop kam hi kaei ?*

Kaba ngi ryngkang ia ka hukum U Blei.

6. *Da kaba kumno ngi leh pop ?*

Ngì leh pop da ka jingmut, lane da ka ktien lane da ka kam.

 LYNNONG 7.

Shaphang ka Jinglong u Briew na kaba kha.

1. *Ki briew baroh ki long kumno na kaba kha ?*

"Ki Jiw ruh bad ki Grik ki long baroh hapoh ka pop." Rom. 3 : 9.

2. *Kumno ba ka pop ka la bsut hapoh jong ngi baroh ?*

"Namar da uwei u briew ka pop ka la bsut sha ka pyrthei." Rom. 5 : 12.

3. *Kumno ba ka jingiap ka la wan ha ka pyrthei ?*

"Ka jingiap ka la wan da ka pop". Rom. 5 : 12.

4. *Shisha, ka pop ka la mait lynti ia ka jingiap ?*

Hooïd : "Ka bainong ka jong ka pop ka long ka jingiap." Rom. 6. : 23.

5. *Ki briew baroh kin iap namar ka pop ?*

Hooïd : "Namar ba la buh ia ki briew ban iap shisien." Heb. 9 : 27.

6. *Phi lah ban pyni ba ka pop u Adam ka la ngat ha ki bynriew baroh ?*

Hooïd : "Namar kat kumba da kata ka jingbymkohnguh jong uta uwei u briew

la pynlong 'riewpop ia kita kiba bun."
Rom. 5 : 19.

7. *Phi lah ban pyni ba ki briew ki la rem namar ka jingpalat kaba nyngkong u Adam ?*

Hooïd : "Da kawei ka jingryngkang, kata ka 'jingkut bishar ka la wan hap ha ki bynriew baroh ia ka ban pynrem." Rom 5 : 18.

8. *Hynrei ym shym la kha ia ngi ha kaba. khuid ?*

Em. Namar u Dabid u la ong, "Hakhmih la thaw dur ia nga ha ka jingbymhok, bad ha ka pop ka kmie jong nga ka la pun ia nga." Salm 51 : 5.

9. *Ki Jingthoh Bakhuid ki ong kumno sha-phang kiba pop ?*

"Ba kim lah ban pynsgewbha ia U Blei." Rom. 8 : 8.

10. *Kaei ka jingmut bymman ?*

Ka jingmut bymman ka long, "kaba shun ia U Blei". Rom. 8 : 7.

11. *Ki briew baroh ki long kumta na kaba kha ?*

Hooïd : "Baroh ki la leh pop, bad ki la duh lehnohei ia ka burom ka jong U Blei." Rom. 3 : 23.

12. *U briew u lah ban lait im hi na ka jynjar ha kaba u la hap ?*

Em. Um don ka mon, lymne ka bor, ban iehnoh ia ka pop.

13. *Hato uei ba lah ban lait im ?*

"Da ki briew kata ka bym lah, hynrei da U Blei kiei kiei baroh ki long kiba lah." Math. 20 : 26.

LYNNONG 8.

Shaphang U Jisu Khrist U Nongpynim.

1. *U Blei U la thaw lynti ban pyllait ia k' bynriew na kane ka lanot bah ?*

Hoo'id : "Naba kumta U Blei U la ieit katta katta ia ka pyrthei, katba U la aiti noh ia la U Khun ba la kha marwei, ba uei uei uba ngeit ha U, un ym jot shuh hynrei un ioh ka jingim bymjukut." Ioan. 3 : 16.

2. *Uei Uba long U Nongpynim kiba pop ?*

U Jisu Khrist U long U Nongpynim ia kiba pop.

3. *Uei U Jisu Khrist ?*

U Jisu Khrist U long U Khun U Blei.

4. *Um'long U Briew ?*

Hoo'id : U Jisu Khrist U long U Blei bad U Briew ruh kumjuh.

5. *Kumno ba U Khun U Blei U la jia ban long U Briew ?*

U long U Khun U Briew namar ba la kha ia U na ka briew.

6. *Hangno la kha ia U Jisu Khrist ?*

Ha Bethlehem, ka shnong u Dabid.

7. *Kaei ka kmie jong U ?*

Ka Mari ka Theisotti.

8. *La pynlong ia U Jisu Khrist ha ka kpoh ka kmie jong U khlem pop ?*

Hoo'id.

9. *U Jisu Khrist U la im baroh shirta khlem pop ?*

Hoo'id : "U bym shym la leh pop, lymne

ym shym la shem ia kaba arsap ha ka shyntur jong U." 1 Petros 2 : 22.

10. *U la ju leh aiu mynba U dang don ha kane ka pyrthei ?*

"U la iaaid kylleng U da leh bha."
Ki Kam 10 : 38.

LYNNONG 9.

Shaphang ka jingiap U Khrist.

1. *U Jisu Khrist U la aiti noh ia la ka jingim na ka bynta kiba pop ?*

Hoooid : U la iap ha ka diengphna.

2. *Hangno la sahnarphna ia U ?*

La sahnarphna ia U Jisu halor u Lum Kalbari, hajan Jerusalem.

3. *Uei ba la ai noh ia U Khrist bansahnarphna ?*

U Pontios Pilat uba la ai noh ia U Jisu ban sahnarphna.

4. *Uei ba la ai noh ia U Khrist ha u Pontios Pilat ?*

Ki Jiw kiba la ai noh ia U Jisu ha u Pilat.

5. *Uei ba la die ia U Jisu Khrist ha ki Jiw ?*

U Judas Iskariot uba la die noh ia U Jisu.

6. *Uei u Judas Iskariot ?*

U Judas Iskariot u long uwei na ki khadar ngut ki Apostol.

7. *U Jisu Khrist U la ham bymman aiu ba u Judas u la die ia U ban iap ?*

Em, namar u la ong u Pilat, "Ngam shem satia ka jidgpalat ha une u briew." Louk. 23 : 4.

8. *Hato balei ba ki Jiw ki la ai nok ia U ha u
Pilat ?*
Namar ki la shun ia U.
9. *Balei U Jisu Khrist U la shah ia ki ban
pyniap ia U ?*
U Jisu U la shah namar ba U donkam
ban iap na ka bynta jong ngi.
10. *Hato U la iap kum U Nongbahkhlieh jong
ngi ?*
Hooïd : U Jisu U long U Nongbahkhlieh
ha ka jutang kaba kham bha." Heb. 7 : 22.
11. *Ki la tep ia U Jisu Khrist ?*
Hooïd : "Ha ka jingtep thymmai u
Joseph.
12. *Hangno ka jingtep u Joseph ?*
Ha ka kper.
-

LYNNONG 10.

*Shaphang ka Jingmihpat U Jisu Khrist bad ka
Jingkiew jong U sha Bneng*

1. *U Jisu Khrist U la mih na ka jingtep ?*
Hooïd : U la mihpat ha ka sngi kaba lai.
2. *Mynno ki la tep ia U ?*
Ki la tep ia U lajan miet ha ka sngi ba U
la iap.
3. *Mynno U Khrist U la mih na ka jingtep ?*
U la mih mynstep eh ha ka sngi kaba lai,
ha ka sngi Sabbaton.
4. *Kiei kiba la iohi ia U hadien ba U la mih na
ka jingtep ?*
Ka Mari Magdala ka la iohi ia U.
5. *Kiei kiba la iohi ia U hadien jong ka ?*
Ki synran baroh ki la iohi ia U.

6. *Katno sngi ba U Khrist U la shong ha-bahe ka pyrthei hadien ba U la mih na ka jingtep ?*
Sawphew sngi U la shong.
7. *Shano U la leit hadien kata ?*
Hadien kata U la kiew sha bneng.
8. *Nangno U la kiew U Khrist ?*
U la kiew na u Lum ki Olib.
9. *Kiei kiba iohi ia U mynba U kiew sha bneng ?*
Ki synran jong U ki la iohi ia U.
10. *Hangno U Khrist mynta ?*
U shong ha ka kti kamon U Blei U Kpa.
11. *U leh aiu hangta ?*
U iasaid na ka bynta la ki brieve.
12. *Kiei ki brieve jong U ?*
Kiba ngeit ha U kylleng ka pyrthei ki long ki brieve jong U.

LYNNONG 11.

Shaphang ka Jingwanpat U Khrist.

1. *U Khrist Un wan pat na bneng ?*
Hooïd : "Hakhmih, U wan bad ki lyoh ; bad ka khmat baroh kan iohi ia U."
Jingpynpaw 1 : 7.
2. *Un wan ha ka rukom kaba kumno ?*
Un wan da ka bor ka burom ba khraw keiñ : "Un wan U Khun U Brieve ha ki lyoh 'bneng, da ka bor bad ka burom ba khraw." Math. 24 : 30.
3. *Ki byprieve kin ioh tip haba Un wan ?*
O, em ! Un wan kyndit thred ha ki :
"Naba phim tip ha kano ma ka sngi ba U wan U Trai jong phi." Math. 24 : 42.

4. *Don ki ban wan lem baa U Khrist ?*

Ah, don keiñ ; ki paidbah byllien : “Hakhmih, U Trai U la wan bad ki shiphew hajar ki bakhuid jong U.” Judah 14.

5. *Kiei kita kiba wan lem bad U ?*

Kiba ngeit bad ki angel ruh : “U Trai Uba U Blei jong nga Un wan bad kita kiba khuid baroh lem bad Me.” Sekh. 14 : 5.
“Ka jingpynpaw ia U Trai Jisu na bneng lem bad ki Angel ka bor jong U.” 2 Thes. 1 : 7.

6. *Ki khynnah baroh kin iohi ia U haba U wan ?*

Hooïd baroh : ki khynnah ba bha bad ki khynnah bymman kin iohi ia U ha kata ka sngi ba khraw !

7. *Ki bynriew baroh ruh kin iohi ia U ?*

Hooïd baroh keiñ : wat kiba la lah iap mynno mynno ruh, bad kiba im de : “Mynkata ruh ki jaidbynriew baroh ka pyrthei kin ialynñiar lympat haba kin iohi ba U wan U Khun U Briew ha ki lyoh bneng, da ka bor bad ka burom ba khraw.” Math. 24 : 30.

8. *Kita kiba la pynshitom ia U bad kita ki bymngeit ha U, shisha, kin iohi ne em ia U ?*

Ah ! kum kita kin iohi ia U keiñ. “Kakhmat baroh kan iohi ia U, bad ia kita ruh kiba la sum ia U.” Jingpynpaw 1 : 7.

9. *Hato kumno kita kin sngew ha kata ka sngi ?*

Ah ! kin sngewsih sat namar jong U, “Bad ki jaitbynriew baroh jong ka pyrthei kin ialynñiar lympat namar jong U.”

10. *Hato lano Un wan pat kumta ?*

Ha kaba wai noh kane ka pyrthei.
 “Kumta kan long ha kaba wai noh kane
 ka pyrthei.” Math. 18 : 49.
 “Hynda kumta kan jia kata kaba kut.”
 Math. 24 : 14.

LYNNONG 12.

Shaphang ka Jingbishar.

1. *Ia ka ban lei ba U Jisu Un wan pat kumta ?*

Ia ka ban bishar ia ka pyrthei. “Ynda
 kumta Un ai ha uwei uwei baroh katba
 kum ka jingleh jong u.” Math. 16 : 27.

2. *Hato la buh ban long ka sngi bishar ?*

Hooïd, la buh keiñ : “Naba U la buh ka
 sngi, ha kaba Un sa bishar ia ka pyrthei
 ha ka hok.” Salm 96 : 13.

3. *Dano ba U Blei Un bishar ia ka pyrthei ?*

Da U Jisu Khrist : “Ba Une U long
 Uta Uba la thung da U Blei ban long U
 Nongbishar kiba im bad kiba iap.” Ki
 Kam. 10 : 42.

4. *Iano Un bishar ?*

(1) Ia ki mynsiem bymman : “Ki angel
 ruh ia kiba U la ri noh ia ki ha ki kynjri
 bymjukut, hapoh kaba dum tliw tliw, ia
 ka jingbishar ka sngi ba khraw.” Jud. 6.
 (2) Ia ki bynriew baroh : “Namar ka dei
 ban pynieng ia ngi baroh ha khmat ka
 jingshong bishar U Khrist.” 2 Kor. 5 : 10.

5. *Daei Un bishar ?*

Un bishar da ka Ktien U Blei.

6. *Ia kiba kum kiei ha ngi Un bishar ?*

Ia ki jingmut, bad ia ki ktien, bad ia kī jingleh jong ngi baroh.

 LYNNONG 13.
*Shaphang ka Jingpynwai noh ia ka Pyrthei ?*1. *Long te ban pynwai noh ia kane ka pyrthei ?*

Hooïd : “Kita ki bneng bad kata ka khyndew kiba mynta, ki long ba la rakhe ia ki da kata kajuh ka ktien, ia kiba la ri noh sha ka ding ia ka sngi ka jingbishar.”

2 Pet. 3 : 7.

2. *Uei u ban pynwai noh ia kiei kiei baroh kumta ?*

U Blei keiñ U Nongthaw Un pynwai noh ia kiei kiei baroh.

3. *Long te ba yn pynmihpat ia kiba iap khnang ban biehar ia ki ?*

Hooïd keiñ : “Ba kan sa long ka jingmihpat kiba iap, kiba hok ruh bad ki bymhok.” Ki Kam. 24 : 15.

4. *Hato kumno kan jia ha ki bymhok ha kata ka sngi ba sngewshyrkhei ?*

O ! U Khrist Un ong ha ki, “To khie leit noh na Nga phi ia kiba la tim sha ka ding bymjukut, ia kaba la buh lypa ia u Soitan bad ia ki angel jong u” Math. 25 : 41.

5. *Kumno ruh kan jia ha kiba hok ha ka sngi bishar ?*

U Jisu Un ong keiñ ha ki, “To wan phi kiba la kyrkhu jong U Kpa jong Nga, to

ioh ia ka hima ia kaba la pynkhreh keiñ
ia phi na myndang long ka pyrthei.”
Math. 25 : 34.

6. *Kaei te kaba dei ia ngi ban sumar khamtam
ha la ka sngi katba ngi dang im*

Ban ioh lait na ka jinglanot, bad ban ioh
ka jingsuk ha ka pyrthei ka ban sa wan
keiñ : “Aiu ka dei ia nga ban leh ba yn
pynim ia nga ?” Ki Kam 16 : 30.

7. *Hato kumno te uba pop un phet iap na ka
jingbitar U Blei bad ba un ioh ka jingim
bymjukut ?*

Ka dei keiñ ba un phet iap na ka pop
baroh, da ka jingkylla kaba mut sha U
Blei da ka jingngeit ha U Jisu. “Bad
kumno phi la phai sha U Blei na ki blei-
thaw, ban shakri ia U Blei ba im bad ba
shisha ; bad ban khmihlynti ia U Khnn
jong U na bneng ia Uba U la pynmihpat
na kiba iap, ia U Jisu keiñ Uba pyllait
noh ia ngi na kata ka jingbitar ka ban sa
wan.” I Thes. 1 : 9, 10.

LYNNONG 14.

Shaphang ki Kam U Khrist.

1. *Uei ba la long U Ksiang hapdeng U Blei bad
u briew ?*

U Jisu Khrist U long U Ksiang.

2. *U Khrist, kata ka ktien kaba kumno ?*

U Ba-la-sleh.

3. *Uei Uba la pynsleh ia U ?*

U Blei U Kpa Uba la pynsleh ia U.

4. *Daei ba la pynsleh ia U Khrist ?*
Da U Mynsiem Bakhuid bad da ka bor ruh.
5. *Ban pynsleh ia U Khrist kata kumno ?*
Ban pynsleh ia U ka long, ban thung, bad pynbit ruh ia U
6. *Ia kiba katno ki kam ba la thung bad la pynbit ia U Khrist ?*
La thung ia U ha ki lai tylli ki kam.
7. *Kiei kita ?*
U nongiathuhlypa, u lyngdoh bad u syiem.
8. *Kaei ka kam jong U kum u nongiathuhlypa ?*
Kum u nongiathuhlypa U hikai ia la ki briew.
9. *Ngi donkam ia U Khrist kum u nongiathuhlypa ?*
Hooïd : namar ba ngi long kiba bieit.
10. *Daei U Khrist U hikai ia ngi kum u nongiathuhlypa ?*
Da la ka ktien, da la U Mynsiem ruh.
11. *Ngi donkam ia U Khrist kum u lyngdoh ?*
Hooïd : namar ba ngi la rem.
12. *U la leh aïu na ka bynta jang ngi kum u lyngdoh ?*
U la aiti noh ia lade, ban long ka jing-kña namar jong ngi.
13. *U leh aïu mynta ha bneng kum u lyngdoh ?*
Kum u lyngdoh, U iasaid na ka bynta la ki briew.
14. *Kaei ka kam U Khrist kum u syiem ?*
U pynhapoh ia kiba pop ; U synshar ha ki dohnud la ki briew da ka jingaiei jong U ; U ri bad U pyllait ruh ia la ki briew na kaba sniew baroh.

15. *Ngì donkam ia U Khrist kum U Syiem ?*
 Hooïd : namar ba ngì long kì mraw.
16. *Hato ngì dei kì mraw jongno ?*
 Ngì long kì mraw ka pop bad u Soitan.
17. *Kumno U Khrist U pyllait ia ngì na ka jing-long mraw u Soitan ?*
 U pyllait ia ngì da ka bor bah jong U.
18. *U Khrist Un synshar ia ngì kum u syiem ?*
 Hooïd : Un synshar da ka jingaiei jong U.
-

LYNNONG 15.

*Shaphang ka jingpynshai bad ka Jingkylla
 kaba mut.*

1. *Ka jingpynshai kata kaei ?*
 Ban pynshai ha ka jingmut u briew ba u long tang ha ka pop suda bad ka pop kaba bymman ruh, bad ba U Blei Uba hok.
2. *Ka pop ka long kaba sniew ?*
 Hooïd : ka pop ka long kaba sniew eh.
3. *Uei ba lah ban pynshai ia kì jingmut dum jeng ngì ?*
 U Mynsiem Bakhuid Uba lah ban pynshai ia ngì.
4. *Daei U Mynsiem Bakhuid U pynshai ia ka jingmut dum u briew ?*
 U pynshai da ka Ktien U Blei.
5. *Kata ka Ktien ka lah ban pynshai ia u briew khlem ka bor U Mynsiem Bakhuid ?*
 Em.
6. *Kaba kylla kaba mut kaei ?*
 Ban sngewrit, ban sngewbuhkhoh ruh bad ban sngewsih namar ka pop.

7. *Ki briew na kaba kha ki iamut lumno sha-
phang ka pop ?*
Ki iamut ba ka long kaba thiang, bad
kaba itynnad.
8. *Hato ka pop ka long kaba thiang ?*
Em : ka pop ka long kaba jew eh.
9. *Kiba pop baroh kin sngewjew ia ka pop ?*
Hooïd.
10. *Uba la kylla kaba mut ruh u shem ia ka pop
ba ka long kaba jew ha kane ka pyrthei ?*
Hooïd.
11. *Hangno u bym kylla kaba mut un shem ia ka
pop ba ka long kaba jew ?*
Ha dujok ding bymjukut.

LYNNONG 16.

Shaphang ki Artylli ki Jutang.

1. *Ka jutang kata kaei ?*
Ka jutang ka long kaba iakular lem ar
ngut ne lai ngut.
2. *Katno tylli ki jutang ba U Blei U la thaw bad
u briew ?*
U Blei U la thaw artylli ki jutang.
3. *Kiei kita ?*
Ka Jutang Ka Kam, bad ka Jutang Aiei.
4. *Badno U Blei U la thaw ia ka Jutang Ka
Kam ?*
Bad u Ada u ad la ki khun ki ksiew ha u.
5. *Uei ba long u nongseneng ha ka Jutang Ka
Kam ?*
U Adam u long u nongseng ha ka Jutang
Ka Kam.

6. *Kaei ka long ka jingkular ha ka Jutang Ka Kam ?*

Ka Jingim, haba kohnguh ia ka.

7. *Kaei ka jingmaham ha ka Jutang Ka Kam ?*

Ka Jingiap, haba ym kohnguh ia ka.

8. *La pynkheĩñ ia ka Jatang Ka Kam ?*

Hoooid.

9. *Uei ba la pynkheĩñ ia ka Jutang Ka Kam ?*

U Adam u la pynkheĩñ ia ka Jutang Ka Kam.

10. *Kaei ka la ngat ha u Adam bad la ki khun ki ksiew da kaba u la pynkheĩñ ia kane ka Jutang ?*

Kaba iap ka mynsiem bad ka met ; bad kaba iap bymjukut ruh.

11. *Badno U Blei U la thaw ia ka Jutang Aiei ?*

Bad U Jisu Khrist, bad la ki briew kiba ngeit ha U.

12. *Uei ba la long u nongseng ha ka Jutang Aiei ?*

U Jisu Khrist U long U nongseng ha ka Jutang Aiei.

13. *Lah ban pynkheĩñ ia ka Jutang Aiei ?*

Em : ym lah ban pynkheĩñ ia ka Jutang Aiei.

14. *Balei bym lah pynkheĩñ ia ka Jutang Aiei ?*

Namar ba U Jisu Khrist U la pyndep baroh kaba la buh ha ka.

15. *Kaei ka long ka jingkular ha ka Jutang Aiei ?*

Ka jingim bymjukut

16. *Kumno ba ngin ioh ka jingim bymjukut ?*

Da kaba iasoh bad U Khrist.

17. *Kumno yn pyniasoh ia ngi bad U Khrist ?*
 Da ka jingngeit yn pyniasoh ia ngi bad
 U Khrist.
-

LYNNONG 17.

Shaphang ka Jingngeit.

1. *Ka jingngeit kata kaei ?*
 Ban shaniah ha ka Ktien U Blei.
 2. *Ka dei ia ngi ban ngeit ha ka Ktien U Blei ?*
 Hooïd ; ngi dei ban ngeit ha ka Ktien U
 Blei.
 3. *Na ka balei te ba ka dei ba ngin ngeit ha ka ?*
 Namar ba ka long kaba shisha.
 4. *Hano te ba ngin ngeit ban ioh lailim ?*
 Ha U Jisu Khrist ngi dei ban ngeit.
 5. *Kumno ngin ngeit ha U Jisu Khrist ?*
 Da kaba pdiang shisha ia kaba U Blei U
 ong shaphang jong U.
 6. *U Blei U ong aiu shaphang U Jisu Khrist ?*
 "Une U Khun jong Nga Uba ieit, ha Uba
 Nga sngewbha eh." Math. 3 : 17.
 7. *U Blei U sngewbha ha U Jisu Khrist kum U*
Nongbahkhlieh jong ngi ?
 Hooïd.
 8. *Kumno U Blei Un pdiang ia ngi ?*
 Un pdiang ia ngi ha Uba U ieit.
 9. *Uei Uta ba U ieit ?*
 U Jisu Khrist U long Uta ba U ieit.
-

LYNNONG 18.

Shaphang ka Jingieit U Blei.

1. *Kaei ka jingphylla kaba khrawtam eh ?*
Ka jingieit U Blei ia kiba pop.
 2. *U Blei U ieit ia kiba pop ?*
Hooïd : U Blei U ieit ia kiba pop.
 3. *U Blei Un bitar bad kiba pop ?*
Hooïd : lada kim kylla kaba mut.
 4. *Kumno te ba U Blei U ieit ia kiba pop ?*
Ha U Khrist U Nongbahkhlieh jong ki.
 5. *Kumno ba U Blei U Kpa U la pynpaw ia la ka jingieit ia kiba pop ?*
Da kaba U la phah noh ia la U Khun sha ka pyrthei.
 6. *Ia ka ban lei ba U Blei U la phah noh ia la U Khun sha ka pyrthei ?*
Ban pynim ia kiba pop.
 7. *Kumno ba U Khun U la pynpaw la ka jingieit ia kiba pop ?*
Da kaba U la wan sha kane ka pyrthei ban iap na ka bynta jong ki.
 8. *Kumno ba U Mynsiem Bakhuid U pynpaw ia ka jingieit jong U ia kiba pop ?*
Da kaba U pynshai ia ki shaphang ka pop bad ba U ialam ia ki sha U Khrist.
 9. *Ka bit ia ngi ban ieit ia U Blei ?*
Hooïd : "Naba U la ieit shuwa ia ngi."
I Ioan. 4 : 19.
 10. *Kumno ngin pynpaw ia ka jingieit jong ngi sha U Blei ?*
Da kaba ngi rakhe ia ki hukum jong U.
-

LYNNONG 19.

Shaphang ka Jíngpynksan.

1. *Kiei kiba long kiba pop ?*
 “Baroh ki la leh pop, bad ki la duh leh-nohei ia ka burom ka jong U Blei.” Rom. 3 : 23.
2. *Don uba hok hi na kaba kha ?*
 Em, namar u Paul u-ong, “Ym don uba hok, em, ym don uwei ruh.” Rom. 3 : 10.
3. *U bymhok um lah ban leit sha bneng ?*
 Em, “Ki bymhok kin ym ioh ia ka hima U Blei.” I. Kor. 6 : 9.
4. *Ngi lah ban ksan da la ka kam ?*
 Em, “Na ka jingleh ka hukum yn ym pynksan ia kawei ka doh ha khmat jong U.” Rom. 3 : 20.
5. *U briew um lah ban ksan da la ka hok na ka balei ?*
 “Namar ki hok jong ngi baroh ki long kum ka jaiñ ba bit tngit. Isa. 64 : 6.
6. *Hangno te ngin shem ka hok kaba biang ban pynksan ia ngi ha khmat U Blei ?*
 Ha ka jingkohnguh U Khrist.

KA BYNTA KABA AR.

LYNNONG 20.

Shaphang ka Hukum U Blei.

1. *Uei ba la ai ia ka hukum ia u briew ?*
 U Blei Uba la ai ia ka hukum ia u briew.

2. *Hangno ka long ka hukum ?*
Ha kaba arphew lynnong ha ka Kitab Eksodos.
3. *Iano U Blei U la ai ka hukum ?*
Ia ki Israel.
4. *Hangno U la ai ia kane ka hukum ?*
Halor u lum Sinai U la ai ia ka hukum.
5. *U briew u la tip ia kane ka hukum mynshuwa kata ?*
Hooïd : U Blei U la ai ha ki dohnud u Kthaw bad ka Kiaw nyngkong jong ngi.
6. *Katno ki adong ha ka hukum ?*
Shiphew.
7. *Halor kaei ba U Blei U la thoh ia ka hukum ?*
Ha ki artylli ki maw lyngkniap.
8. *Katno tylli ki hukum ki la don ha u maw lyngkniap uba nyngkong ?*
Saw tylli.
9. *Katno tylli ki hukum ki la don ha uba ar ?*
Hynriew tylli.
10. *Kaei ka jinglum ka hukum, kaba ka kwah ia ngi ban leh ?*
Ban ieit ia U Blei bad ia ki paramarjan.
11. *Ki saw tylli ki hukum kiba nyngkong ki kwah aïu na ngi ?*
Ban ieit ia U Blei da la ka dohnud baroh.
12. *Ki hynriew tylli ki hukum kiba khatduh ki kwah aïu na ngi ?*
Ban ieit ia ki paramarjan kumba ia lade.
13. *U briew u donbor ban rakhe ia kane ka hukum baroh ?*
Em.

14. *Balei ba ngim lah ban rakhe ia kane ka hukum ?*

Namar, "Ka hukum ka long kaba kynja mynsiem." Rom. 7 : 14.

15. *Ngi ngim long kiba kynja mynsiem ?*

Em : "Ngi ngi long kiba kynja doh, ba la die noh keiñ hapoh ka pop." Rom. 7 : 14.

16. *U Mynsiem Bakhuid U thoh ia ka hukum ha ka dohnud ?*

Hooïd : U buh, U pynskhem ruh ia ka hukum ha ka jingmut.

LYNNONG 21.

Shaphang ki Shiphew Hukum ?

Kiei ki hukum ?

1. Men ym ioh kiwei kiwei ki blei nalog jong Nga.
2. Men ym thaw bleithaw ia lade, lymne ia ka dur kaei kaei ruh kaba don ha bneng sha jrong, lymne ha ka khyndew shapoh, lymne ha ka um hapoh ka khyndew ; men ym dem ia ki lymne shakri ia ki, naba Nga U Trai Uba U Blei jong me, Nga long U Blei Uba thut shen, Uba pynwan ia ka jingpalat ki kpa ha ki khun, haduh kaba lai bad kaba saw pateng bynriew jong kiba isih ia Nga ; bad Uba leh isynei ia ki hajar jong kiba ieit ia Nga, bad kiba sumar ia ki hukum jong Nga.
3. Men ym ong thala ia ka kyrteng U Trai Uba U Blei jong me ; naba U Trai Un ym pynksan ia uba ong thala ia ka kyrteng jong U.

4. Kynmaw ia ka sngi Sabbaton ban rakhe khuid ia ka. Hynriew sngi men trei bad men leh ia ka kam jong me baroh ; hynrei ka sngi kaba hynñiew ka long ka Sabbaton U Trai Uba U Blei jong me ; ha kata men ym leh kaei kaei ruh ka kam, ma me, lymne u khun jong me, lymne ka khun jong me, lymne u mraw jong me, lymne ka mraw jong me, lymne ka jingri jong me, lymne u nongwei uba hapoh ka phalor jong me. Naba ha ki hynriew sngi U Trai U la thaw ia ka bneng bad ia ka khyndew, ia ka duriaw ruh, bad ia baroh katba don ha ki ; U la shongsngi ruh ha kata ka sngi kaba hynñiew ; namarkata U Trai U la kyrkhu ia ka sngi Sabbaton, bad U la pynkyntang khuid ia ka ruh.
 5. To burom ia la u kpa bad ia la ka kmie ba yn pynslem ia ka rta jong me ha ka khyndew, ia kaba U Trai Uba U Blei jong me U ai ha me.
 6. Men ym pyniap.
 7. Men ym klim.
 8. Men ym tuh.
 9. Men ym sakhi lamler ia u paramarjan jong me.
 10. Men ym ikwah ia ka iing u paramarjan jong me, men ym ikwah ia ka tnga u paramarjan jong me, lymne ia u mraw jong u, lymne ia ka mraw jong u, lymne ia u masi jong u, lymne ia u kada jong u, lymne ia kaei kaei ruh kaba dei ka jong u paramarjan jong me.
-

LYNNONG 22.

Shaphang ka Adong kaba lai.

1. *Phi lah ban iathuh ia ka adong kaba lai ?*
 Hoodid : "Men ym ong thala ia ka kyrteng
 U Trai Uba U Blei jong me ; naba U Trai
 Un ym pynksan ia uba ong thala ia ka
 kyrteng jong U." Eksod. 20 : 7.
2. *Kaei ka pop kaba la adong ha ka hukum
 kaba lai ?*
 Kaba ong thala ia ka kyrteng U Blei.
3. *Kumno ki khynnah bymman ki ong thala ia
 ka kyrteng U Blei ?*
 Da kaba tim, bad da kaba smai.
4. *Ka long pop ban tim bad ban smai ?*
 Hoodid : ka long ka pop kaba khraw eh.
5. *Kumno pat ki ong thala ia ka kyrteng jong U ?*
 Haba ki ong ia ka kyrteng U Blei ha bym
 donkam ban ong.
6. *Don jingiathuhkhana ha ka Baibl shaphang
 uno uno uba la leh ia kane ka pop ?*
 Don : ha ki jingthoh u Moses.
7. *Uei ?*
 U khun ka nong-Israel, u kpa jong u ruh
 u long u nong-Ijipt.
8. *Ka la long kumno bad u, namar ba u la leh
 ia kane ka pop ba khraw eh ?*
 Ki la lynthem maw ia u ha ban da iap.
9. *La hukum mano ia ki ia ka ban leh kumta ?*
 U Blei U Trai.
10. *Kata kam long kaba runar eh ?*
 Em : ka long kaba hok eh.

11. *Phi lah ban pyni ba ka long kaba hok ban pyniap ia une u briew ?*

Hooïd : naba ka ktien U Blei ka ong,
 “Ka bainong ka jong ka pop ka long ka jingiap.” Rom 6 : 23.

LYNNONG 23.

Shaphang ka Adong kaba Saw.

1. *Kaei ka Sngi U Trai ?*

Ka Sabbaton ki Khristan.

2. *Ka Sabbaton, kata ka ktien, ngin sngewthuh kaba kumno ?*

Ka Sabbaton ka mut kaba shongsngi.

3. *Uei ba la rakhe nyngkong ia ka Sngi Sabbaton ?*

U Blei Uba rakhe nyngkong ia ka Sabbaton.

4. *Daei U Blei U la teh ia ngi ban rakhe ia ka Sabbaton ?*

Da ka rukom, bad ka hukum jong U de.

5. *U la ai ka rukom ia ngi ba ngin rakhe ia kane ka sngi ?*

Hooïd : “U la shongsngi ha kata ka sngi kaba hynñiew.” Eksod. 20 : 11.

6. *U Blei U la leh aiu pat ia ka sngi Sabbaton ?*

U la kyrkhu ia ka Sngi Sabbaton bad U la pynkyntang khuid ia ka ruh.

7. *Ban kyrkhu ia ka, kata kumno ?*

U la pynlong ia ka, ka sngi ki jingkyrkhu.

8. *Ban pynkyntang khuid ia ka, kata kumno ?*

U la pynkyntang khnang ia ka ban mane ia U.

9. *Katno sngi ngin trei ngin leh ia ka kam jong ngi baroh ?*
 “Hynriew sngi men trei bad men leh ia ka kam jong me baroh.” Eksod. 20 : 9.
10. *Ka dei ia ngi ban trei jingtrei ha ka Sngi Sabbaton ?*
 Em : namar U Blei U Trai U la ong, “Ha kata ka sngi men ym leh kaei kaei ruh ka kam.”
11. *Kumno te ka bit ia ngi ban rakhe ia ka Sngi Sabbaton ?*
 Da kaba pynkyntang khuid ia ka.
12. *Don jingiathuhkhana ha ka Baibl shaphang uno uno uba la pynkheĩñ ia ka Sngi Sabbaton ?*
 Don, ha ka Kitab u Moses, shaphang u nong-Israel uba pynkheĩñ ia kane ka kam.
13. *Uta u nong-Israel u la leh aiu ha ka Sngi Sabbaton ?*
 U la leit thoh dieng.
14. *U la mut ban leh aiu bad kita ki dieng ?*
 Ban sliew ding.
15. *U briew um lah ban trei kat ita ha ka Sabbaton ?*
 Em : “Ha kata ka sngi men ym leh kaei kaei ruh ka kam.”
16. *Ki briew ki la leh aiu ia une u briew ?*
 Ki la buh ia u ha ka byndi.
17. *U Blei U la hukum ia ki ban leh aiu ia une u briew namar ba u la pynkheĩñ ia ka Sngi Sabbaton ?*
 U la hukum ban lynthem maw ia u ha ban da iap.
18. *Ki la pyniap ia u ?*
 Hooïd : Ki la pyniap.

19. *Ban pynkheiñ ia ka Sngi Sabbaton mynta, ka long ka pop kaba khraw kumba mynkata ?*

Hooïd : ka long ka pop kaba khraw kumjuh.

LYNNONG 24.

Shaphang ka Adong kaba San.

1. *Don ka adong ha ka hukum kaba dei khnang ia ki khynnah ?*

Hooïd : ka don ia ki khynnah ruh.

2. *Kaei kata ?*

Ka adong kaba san.

3. *Phi lah ban iathuh ia ka adong kaba san ?*

Hooïd : "To burom ia la u kpa bad ia la ka kmie, ba yn pynslem ia ka rta jong me ha ka khyndew, ia kaba U Trai Uba U Blei jong Me U ai ha Me." Eksod. 20 : 12.

4. *U Blei U la hukum ia ki khynnah ban kohnguh iano ?*

Ia la u kpa bad ia la ka kmie.

5. *Kumno ngin burom ia ki ?*

Da kaba leh ia kaba ki ong ban leh ha U Trai.

6. *Don ka jingkular ha kane ku hukum ?*

Hooïd.

7. *Kaei kata ka jingkular ?*

"Ba yn pynslem ia ka rta jong me ha ka khyndew, ia kaba U Trai Uba U Blei jong me U ai ha me."

8. *Kaei kaba don ha kane ka jingkular ?*

Ban manbha, ban im slem ruh.

9. *U Jisu Khrist U la long khynnah ?*
Hooïd : U Jisu Khrist U la long u khynnah.
10. *Kaei ka Kmie jong U ?*
Ka Mari ka theisotti.
11. *U kpa bad ka kmie jong U kiba riewbha ne kiba duk ?*
Kiba duk.
12. *U Jisu Khrist U la isaitmet ia ki namar ba ki duk ?*
Em : "U la leit arsut noh bad ki, bad U la wan sha Nasaret, bad U la ju iaikohnguh ia ki." Louk. 2 : 51.
13. *U la burom ia la ka kmie mynba ka long ka riew kynthei ?*
Hooïd : U la sumar ia la ka kmie mynba U dang shitom eh ruh ha ka diengphna. Ioan 19 : 26, 27.
14. *Bit ba ngi ruh ngin kohnguh bad burom ia la ki kmie ki kpa kum ka rukom U Khrist ?*
Hooïd : ngi dei ban kohnguh ia la ki kmie ki kpa.
15. *Don ka jingiathuhkhana ha ka Baibl shaphang ba U Blei U la hukum ban pynshitom ia u khynnah namar ba um kohnguh ia la ki kmie ki kpa ?*
Hooïd : shaphang u khun uba kiat.
16. *Ki kmie ki kpa jong u ki la sneng ia u ?*
Hooïd : ki la sneng.
17. *U la kohnguh ia ki hadien ?*
Em
18. *La hukum ia k' kmie 'i' 'pa' jong u ban leh aiu ia u ?*
Ban islam ia u sha ki tymmenbasan ka shnong.

19. *Ki la leh aiu ia U hadien kata ?*

Ki la lynthem maw ia u ha ban da iap.

20. *Kane kam pyni ia ngi ba ka long kaba bym-*
man eh ban ym kohnguh ia la ki kmie ki kpa ?

Hooïd : Shisha ! shisha !

LYNNONG 25.

Shaphang ka Adong kaba Hynriew.

1. *Phi lah ban iathuh ia ka adong kaba hynriew ?*

Hooïd : "Men ym pyniap."

2. *Hangno don ka tynrai kane ka pop kaba*
pyniap ?

Ha ka dohnud.

3. *Kaei ka long ka pop kaba pyniap haba ka*
dang don tang ha ka dohnud u briew ?

Ka long kaba shun, bad kaba bishni.

4. *Uei u soh ka jingbishni ha ka dohnud ki*
rangbah ?

Kaba pyniap.

5. *Kiei ki soh ka jingbishni ha ka dohnud ki*
khynnah ?

Kaba iamai bad kaba iashoh.

6. *Ka long pop ia ki khynnah ban iamai ?*

Hooïd : Ka long ka pop ban iamai.

7. *Ka long pop ia ki khynnah ban iashoh ?*

Hooïd : Ka long ka pop kaba khraw eh.

8. *Kaei kaba dei ia ngi ban leh te ?*

Ban iaieit paralok.

9. *Uei uba la pyniap ia la u para ?*

U Kain uba la pyniap ia la u para.

- 10l *Uei u para u Kain ?*
 U Abel u para u Kain.
11. *U Abel u long u briew uba bha ?*
 Hooïd : U Abel u briew uba bha.
12. *Balei u Kain u la pyniap ia u ?*
 Namar ba u shun ia u.
13. *Balei u Kain u la shun ia u ?*
 Namar ba U Blei U la ieit ia u khamtam
 ban ia u Kain.
14. *U Blei Um lah ban ieit iano iano katba U
 mon hi ?*
 Hooïd : U lah.
15. *Kumno ba u Kain u la pyni nyngkong ba u
 shun ia la u para ?*
 U la bitar eh lep, u la mat sngewsih ruh.
16. *Kumno ka la long hadien kata ?*
 U la pyniap ia u Abel ha lyngkha.
17. *U la shem shitom kaba kumno namar kata ?*
 U Blei U la tim ia u.

LYNNONG 26.

Shaphang ka Adong kaba Phra bad kaba Khyndai.

1. *Phi lah ban iathuh ia ka adong kaba phra ?*
 Hooïd : "Men ym tuh."
2. *Ban tuh kata kaei ?*
 Ban shim ia kaei kaei ka bym dei la ka
 jong.
3. *Hangno don ka tynrai ka pop tuh ?*
 Ha ka dohnud.

4. *Kaei ka long ka pop tuh haba ka dang don tang ha ka dohuud u brieve ?*
Kaba ikwah ia kaei kaei ka bymdei la ka jong.
5. *Ka long pop ban shim ia kaei kaei ka bym dei la ka jong ?*
Hooïd : ka long ka pop kaba khraw eh.
6. *Phi lah ban ia'huh ia ka adong kaba khyndai ?*
Hooïd : "Men ym sakhi lamler ia u paramarjan jong me."
7. *Ban sakhi lamler kata kumno ?*
Ka long kaba iathuh lamler.
8. *Ka long ka pop ban iathuh lamler ?*
Hooïd : ka long ka pop kaba khraw eh.
9. *Ka bit ia ngi ban ong kumno te ?*
Ban kren ia kaba shisha ha la ka sngi.
10. *Iano U Blei U la pyniup namar ba ki la kren lamler ?*
Ia u Ananias bad ka Saphira ka tnga jong u.
11. *Ban tuh, bad ban kren lamler, ka long ka pop kaba khraw mynta, kumba mynkata ?*
Hooïd : "U Blei U long U Nongbishar Uba hok, U Blei ruh Uba don ka jingbitar shla ha la ka sngi." Salm 7 : 11.

LYNNONG 27.

Shaphang ka jingduwai.

1. *Ban duwai kata kaei ?*
Ban pan kaei kaei na U Blei.

2. *Iano ngin duwai ?*
Ia U Blei ngi dei ban duwai.
3. *Ka dei ia ngi ban duwai ?*
Hooïd : Ka dei ia ngi ban duwai.
4. *Ha ka kyrteng jongno ngin duwai ?*
Ha ka kyrteng U Jisu Khrist ngin duwai.
5. *Kiei kiba duwai ?*
"Uwei uwei baroh uba riewblei un duwai
ha Me ha ka ia ba lah ban shem ia Me."
Selm 32 : 6.
6. *Ia kaei ngin duwai ?*
Ia kaei kaei ruh ba ngi donkam ia ka ban
im, ban burom ia U Blei ruh.
7. *U Blei U sngew ia ka jingduwai ?*
Hooïd : "Shisha, shisha, Nga ong ha phi
ba kaei kaei ruh katba phin pan na Uta
U Kpa ha ka kyrteng jong Nga, Un ai ha
phi." Ioan. 16 : 23.
8. *Ngi lah ban kyrpad kat ka ban dei biang ?*
Ngim lah.
9. *Kaei te ba ngi dei ban duwai nyngkong ?*
Ah Trai ! hikai ia ngi ban duwai !
10. *Hangno ngin shem ia ka rukom ban duwai ?*
Ha ki Jingthoh Bakhuid.
11. *Kumno U Blei U hikai ia ngi ban duwai :*
U hikai ia ngi da U Mynsiem Bakhuid.
12. *U Khrist U la ai ka rukom khnang ha ka
Ktien jong U ban hikai ia ngi ban duwai ?*
Hooïd.
13. *Kaei kata ka rukom ?*
Ka long ha ka jingduwai U Trai. Math.
6 : 9-13.

14. *Phi lah ban iathuh ia ka Jingduwai U Trai ?*
 Hooïd : "Ko Kpa jong ngi Uba ha bneng : long bakhuid ka kyrteng jong Me. Wan ka hima jong Me. Long ka mon jong Me ha ka khyndew kumba ha bneng. To ai ha ngi mynta ka jingbam jong ngi kaba ha la ka sngi ka sngi. To map ruh ia ngi ia ki ryngkang jong ngi, kumba ngi ruh ngi map ia kiba lehsniew ia ngi. To wat ialam ia ngi sha ka jingpynshoi ruh, hynrei sumar ia ngi na kaba sniew. Naba ka jong Me long ka hima, bad ka bor, bad ka burom ruh ha la ka rta"—Amen.
15. *Katno tylli ki jingkyrpad ki don ha ka jingduwai U Trai ?*
 Hynriew tylli ki jingkyrpad.
16. *Kaei kaba nyngkong ?*
 "Long ba khuid ka kyrteng jong Me."
17. *Kaei ka jingkyrpad kaba ar ?*
 "Wan ka hima jong Me."
18. *Kaei ka jingkyrpad kaba lai ?*
 "Long ka mon jong Me ha ka khyndew kumba ha bneng."
19. *Kaei ka jingkyrpad kaba saw ?*
 "To ai ha ngi mynta ka jingbam jong ngi kaba ha la ka sngi ka sngi."
20. *Kaei ka jingkyrpad kaba san ?*
 "To map ruh ia ngi ia ki ryngkang jong ngi, kumba ngi ruh ngi map ia kiba leh sniew ia ngi."
21. *Kaei ka jingkyrpad kaba hynriew ?*
 "To wat ialam ia ngi sha ka jingpynshoi ruh, hynrei sumar ia ngi na kaba sniew."
-

KA BYNTA KABA LAI.

LYNNONG 28.

Shaphang ka Jingshlei ka Pyrthei.

1. *Uei u Adam ?*
U Adam u long u briew uba nyngkong
bad u kpa ki bynriew baroh.
2. *Katno ka rta jong u mynba u la iap*
U la don khyndaispah laiphew snem.
3. *Uei ba la im slem eh ?*
U Mathuselah uba la im slem eh.
4. *Slem katno u la im ?*
U la im khyndaispah hynriewphew khyn-
dai snem.
5. *Ki briew ki im kham slem mynhyndai ia ktba
mynta ?*
Hoooid.
6. *Balei ba la pynduna ia ka rta ki briew ?*
Namar ka pop.
7. *Uei u Mathuselah ?*
U kthaw u Noah.
8. *Uei u Noah ?*
U long u briew uba bha ia uba U Blei U
la pynim mynba la pynshlei ia ka pyrthei.
9. *Ka jingshlei kaba kumno ?*
Ka jingshlei mynba la pynngam ia ka
pyrthei baroh.
10. *Uei ba la pynngam ia ka pyrthei ?*
U Blei Uba la pynngam ia ka pyrthei.
11. *Na ka balei, ba U Blei U la pynngam ia ka
pyrthei ?*
Namar ka pop ki briew.

12. *Ka pop jong ki ka long kaba khraw eh ?*
 Hoodid : "U Trai U la iohi ba ka jingleh bymman jong u briew ka la khraw eh ha ka pyrthei." Gen. 6 : 5.
13. *U Noah u la ioh im kumno ?*
 Ha ka iinglieng.
14. *U la ioh lait im kumno ha ka iinglieng ?*
 U la ioh lait, namar ka iinglieng ka la per ha ka um mynba la shlei ka pyrthei.
15. *Don kiba la ioh lait im lem bad u ha ka lieng ?*
 Hoodid, hynñiew ngut.
16. *Kiei kita ?*
 Ka tnga jong u, ki khun jong u lai ngut, bad ki tnga jong ki.
17. *Kiei ki kyrteng jong ki khun jong u ?*
 U Shem, u Ham bad u Japheth.

LYNNONG 29.

Shaphang ki Jiw ha ka ri Ijipt.

1. *Uei u Abraham ?*
 U Abraham u long u kpa kiba ngeit baroh.
2. *Hangno u la shong ?*
 Ha ri Khaldi.
3. *Uei ba la khot ia u ban mih noh na ka ri jong u ?*
 U Blei U la khot ia u.
4. *U la leit shano ?*
 Sha ka Ri Kanaan.
5. *Kaei ka tnga u Abraham ?*
 Ka Sarah ka tnga jong u.
6. *Uei u khun jong u ?*
 U Isaak u khun jong u.

7. *Uei u khun u Isaak ?*
U Jakob u khun jong u.
8. *Uei ba la iapyneh bad U Blei ?*
U Jakob uba la iapyneh bad U Blei.
9. *Kaei ka kyrteng jong u hadien ?*
U Israel.
10. *U Jakob u la ioh ki khun shynrang katno ngut ?*
Khadar ngut.
11. *Kiei kine ki khadar ngut ?*
Ki kpa ki Jiw,
12. *Ki Jiw ki la long ki mraw shisien ?*
Hooïd : Ha ka Ri Ijïpt.
13. *Uei uba la long u Syiem ha ka Ri Ijïpt mynkata ?*
U Pharoah, u la long u Syiem Ijïpt.
14. *U Pharoah u la leh runar ia ki Jiw ?*
Hooïd : U la leh.
15. *U la leh aïu ia ki ?*
U la pynshitom bad u la lehbeiñ ia ki.
16. *Kata ka la pynsgewsih ia U Blei ?*
Hooïd : Shibun eh.
17. *Ka la long kumno bad u Pharoah ?*
U la iap jyllop ha ka Duriaw Basaw.
18. *Shano ki la leit ki Jiw ?*
Sha ka Ri Kanaan.

LYNNONG 30.

Shaphang u Dabid bad u Solomon.

1. *Uei u Dabid ?*
U Dabid u la long u Syiem ki Israel.

2. *U Dabid u la long u briew uba bha ?*
Hooïd : U la long u briew uba pynsngew-bha ia U Blei.
3. *U Dabid u la donnām kumno kumno pat ?*
Hooïd : U la long, "U Nongrwai ba bang-jong u Israel." 2 Sam. 33 : 1.
4. *Uei u Solomon ?*
U Solomon u la long u khun u Dabid bad u Syiem ki Israel.
5. *U Dabid bad u Solomon ki la shong hangno ?*
Ha ka nongbah Jerusalem.
6. *Ka Jerusalem ka don haei ?*
Ha ka Ri Kanaan.

LYNNONG 31.

Shaphang ka Jingpynlong mraw ki nong-Babilon.

1. *Ki Jiw ki la leh pop ia U Blei ?*
Hooïd.
2. *Kaei ka pop jong ki ?*
Ki la mane ia ki bleithaw.
3. *U Blei U la pynshitom ia ki namar ka pop jong ki ?*
Hooïd.
4. *Don kiba la iathuhlypa ia ki shaphang ka pop jong ki bad ia ka jingshitom jong kata ?*
Hooïd : Ki nongiathuhlypa jong U Blei.
5. *Ki la kohnguh ia ki nongiathuhlypa ?*
Em : Ki la long eh ha-ka pop.
U Blei U la pynshitom ia ki namar kata ?
Hooïd : U la pynshitom.
7. *Kumno ki hhot kyrteng ia kata ka Jingpynshitom ?*
Ka Jingringmraw ki nong-Babilon.

8. *Ka Babilon ka long kasi ?*
Ka shnong ba khraw ha ka Ri Khaldi.
 9. *Uei uba la long u Syiem ha Babilon ?*
U Nebukhadnessar.
 10. *U la leh aiu ia ki Jiw ?*
U la pyniap bun hajar.
 11. *U la leh aiu ia kiba dang sah ?*
U la ialam mraw ia ki sha Babilon.
 12. *Ki la shong slem ha Babilon ?*
Hynfiiewphew snem.
 13. *U Blei U la ialam pat ia ki Jiw na Babilon ?*
Hooïd : U la pynshong pat ia ki ha ka Ri Kanaan.
-


LYNNONG 32.

Shaphang ka Jingsakma ki Jiw.

1. *Ki Jiw ki dang shong ha Ri Kanaan ?*
Em : Kim shong shuh ha ri Kanaan.
2. *Shano ki don mynta ?*
La pyniap bun hajar na ki.
3. *Kiei ba la pyniap ia ki ?*
Ki nong-Rom.
4. *Ka la long kumno bad kita kiba dang sah ?*
La pynsakma ia ki kylleng ka pyrthei.
5. *Balei ba U Blei U la leh kumta ia ki ?*
Namar ba ki la leh pop.
6. *Kano ka pop jong ki kaba hhrav tam ?*
Kaba ki la pyniap ia U Syiem ka Jingim.
7. *U Syiem ka Jiugim U long Uei ?*
U Jisu Khrist U Khun U Blei.

REFERENCE

Not to be Lent out



Library books will give you Joy for long
if handled carefully with clean hands

**Ki Kot Pule ba kordor na ka bynta
ki khynnah**

1. Ka History U Jisu Khrist.
2. Ka Kot Tikir.
3. Ka Kot Nongialam.
4. Ki Kam Baphylla U Blei—I.
5. Ki Kam Baphylla U Blei—II.
6. Ki Kam Baphylla U Blei—III.
7. Ka Jingiaid Pilgrim.
8. Ka Mary Jones.

Bad

Bun kiwei kiwei ki Kot Khasi bad Phareng.

Lah ban ioh na :—

**Synod Book Room,
Mawkhair, Shillong.**